

Broj: 01-45-1-586/20  
Sarajevo, 10.12.2020. godine

Na osnovu potpisanog Provedbenog sporazuma između Gender Centra Federacije Bosne i Hercegovine i Ministarstva za ljudska prava i izbjeglice Bosne i Hercegovine kojeg zastupa Agencija za jednakopravnost spolova BiH (broj: 03-05-267/19) za projekat „Jačanje kapaciteta institucija za rješavanje rodno zasnovanog nasilja u Bosni i Hercegovini“ finansijski podržanog od strane USAID-a, Gender Centar Federacije Bosne i Hercegovine objavljuje

## **JAVNI POZIV**

**za odabir konsultanta/ice za pripremu metodologije izrade strateškog dokumenta**

### **O USAID projektu**

Gender Centar Federacije Bosne i Hercegovine kao stručna služba Vlade Federacije BiH zadužena je za koordinaciju izrade i praćenja provedbe strateških dokumenata u oblasti nasilja u porodici. S ciljem podrške realizaciji obaveza prema Konvenciji Vijeća Evrope o sprečavanju i borbi protiv nasilja nad ženama i nasilja u porodici - Istanbulska konvencija („Službeni glasnik BiH“, broj 19/13), Akcionom planu za provedbu Strategije za prevenciju i borbu protiv nasilja u porodici za period 2018-2020 („Službene novine Federacije BiH“, broj 102/18) i članovima 36., 37. i 39. Zakona o zaštiti od nasilja u porodici („Službene novine Federacije BiH“, broj 20/13) pripremljen je projekat pod nazivom „Jačanje kapaciteta institucija za rješavanje rodno zasnovanog nasilja u Bosni i Hercegovini“. Za navedeni projekat je dana 1.8.2019. godine potpisan Provedbeni sporazum između Gender Centra Federacije Bosne i Hercegovine i Ministarstva za ljudska prava i izbjeglice kojeg zastupa Agencija za jednakopravnost spolova BiH (broj: 03-05-267/19), a finansijski je podržan od strane USAID-a.

Cilj provedbe projekta je funkcionalna horizontalna i vertikalna uvezanost institucija i organizacija koje rade na preventivnom djelovanju, postupanju i zaštiti u slučajevima nasilja u porodici. Kroz projekat je podržan rad i razvoj kantonalnih koordinacionih tijela i općinskih multisektorskih timova, prema članu 37. i 39. Zakona o zaštiti od nasilja u porodici („Službene novine Federacije BiH“, broj 20/13), kao i rad Stručnog tima u vezi

člana 36. Zakona. S tim u vezi, potrebna je izrada metodologije za izradu nove sedmogodišnje strategije za prevenciju i borbu protiv nasilja u porodici, prema članu 36. Zakona o zaštiti od nasilja u porodici i u skladu sa Zakonom o razvojnom planiranju („Službene novine Federacije BiH“, broj 32/17), prema kojim će se raditi novi strateški dokument u oblasti nasilja za period 2021-2027.

**Cilj:**

- Izrada metodologije za pripremu Strategije za prevenciju i borbu protiv nasilja u porodici (2021-2027) u skladu sa važećim propisima u oblasti strateškog planiranja i prevencije i borbe protiv nasilja u porodici koji su važeći za Federaciju BiH.

**Način rada:**

- Analizirati metodologiju prema kojoj je urađena Strategija za prevenciju i borbu protiv nasilja u porodici 2013-2017.
- Analizirati pravni okvir za strateško planiranje u FBiH
- Pripremiti metodologiju za izradu Strategije za prevenciju i borbu protiv nasilja u porodici (2021-2027)
- Pripremiti prijedlog strukture radnih tijela kao osnove za izradu Odluke o izradi Strategije
- Definirati ostale ulazne elemente potrebne za pravilnu pripremu novog strateškog dokumenta

**Trajanje**

- Metodoloja će biti izrađena u periodu od decembra 2020. do februara 2021. godine.

**Opis :**

- Konsultant/ica će izraditi metodologiju prema kojoj će se provesti izrada novog sedmogodišnjeg strateškog dokumenta.

**Uslovi:**

- Visoka stručna sprema
- Iskustvo u izradi strateških dokumenata

**Uz prijavu potrebno je dostaviti:**

- Biografija
- Dokaz o iskustvu u izradi strateških dokumenata (reference)

### Dokumentacija i način podnošenja projektnog prijedloga:

- Prijava, biografija i dokumenti kojim se dokazuju tražena iskustva se dostavljaju lično ili putem pošte u štampanom obliku, u koverti na kojoj će jasno pisati: „**Prijava za odabir konsultanta/ice za pripremu metodologije izrade strateškog dokumenta**“ na adresu:

**Gender Centar Federacije BiH**

**Ul. Put života br. 2, 71000 Sarajevo, BiH**

- Prijave se dostavljaju najkasnije do 21.12.2020. godine do 12:00.
- Kandidati/kinje koji/e budu zadovoljili/e tražene uslove bit će pozvani na intervju.

Sve prijave koje budu dostavljene na adresu Gender Centra Federacije BiH nakon definisanog roka neće biti razmatrane.



**Ravnateljica**

**Ana Vuković**